

- g) Buri modoka cyangwa romoruki ikuruwe n'iyi modoka bishobora kugira *itara risa n'icyatsi kibisi bituma umuyobozi yerekana ko yabonye ikimenyetso cy'uwitegura kumunyuraho.* Iryo tara rigomba gushyirwa inuma, kandi hafi y' impera y'ibomoso bw' ikinyabiziga.
- h) Ibinyabiziga bihinga n'ibikoresho byabigenewe bikorehwa n'abapataniye imirimo ntibigomba gushyirwaho amatara yateganyijwe ku gika cya mbere cy'iyi ngingo iyo bitagenda hagati y'uko izuba riranga n'uko rirashe.
- i) Za otobisi zigenewe gutwara abanyeshuri zishobora gushyirwaho amatara abiri asa n'icunga rihishije amyatsa, rimwe riri imbere irindi riri inyuma kugirango zerekane ko zihagaze no kwerekana ko bagomba kwitonda. Ayo matara agomba kumurika muri metero 100 buri ruhande rw'aho zihagarara.

### 3.7. 2. ICYICIRO CYA II: Amategeko yihariye

#### Ingingo ya 77:

1. *Amatara ndanga* yera cyangwa y'umuhondo ari *imbere y'ikinyabiziga* n'amatara ndanga *atukura ari inyuma* y'ikinyabiziga agomba ariko kuba adahumishije cyangwa ngo atere imbogamizi abandi bayobozi, kandi agaragara n'ijoro igihe ijuru rikeye, muri metero 300 nibura uherye imbere n'inyuma h'ikinyabiziga, kamenabihu yo ni muri metero 100.

Nyamara, ku byerekeye amatara y'inyuma y'ibinyamitende na velomoteri iyo ntera iba gusa metero 100.

- 3. Utugarurumuri tugomba nijoro, igihe rikeye, kubonwa n'umuyobozi w'ikinyabiziga kiri muri metero 150, iyo tumuritswe n'amatara y'urugendo y'icyo kinyabiziga.

Utugarurumuri turi inyuma ya za romoruki tugomba gusa n'igishushanyo cya mpande eshatu zingana zifite kuva kuri santimetero 15 kugeza kuri 20 kandi rimwe mu masonga yayo ireba hejuru, uruhande ruteganye n'aho rukaba rutambitse.

Romoruki zifite ubugari ntarengwa bwa santimetero 80 zishobora gushyirwaho akagarurumuri kamwe gusa, iyo zikuruwe n'ipikipiki idafite akanyabiziga ku ruhande.

Utugarurumuri turi ku kindi kinyabiziga kitari romoruki ntidushobora gusa n'igishushanyo cya mpande eshatu.

- 4. Umuguno w'inyuma w'igice kimurika cy'amatara mato ndanga mbere na ndanga nyuma kimwe n'icy'utugarurumuri tw'imbere n'utw'inyuma, igomba kuba ahatarenga santimetero 40 ku mpande z'ubugari ntarengwa bw'ikinyabiziga.
  - 1. Ahari hejuru cyane y'ubuso bumurika h'amatara mato ndanga mbere na ndanga nyuma, ntihashobora kuba aharenze metero 1 na santimetero 90 hejuru y'ubutaka, iyo ikinyabiziga kidapakiye. Ku byerekeye utugarurumuri ubwo buhagarika ntibushobora kurenga metero 1 na santimetero 20.
  - 2. Amatara ndanga burumbarare agomba kubonwa nijoro, igihe ijuru rikeye n'umuyobozi w'ikinyabiziga kiri ku ntera ya metero 200 nibura.
  - 3. Amatara yo guhagarara umwanya munini agomba kohereza imbere urumuri rwera, n'urutukura inyuma, kandi akubahiriza ibyangombwa bituma amatara ndanga mbere na ndanga nyuma agaragara.

#### Ingingo ya 78:

1. Amatara maremare y'ibara ryera cyangwa ry'umuhondo agomba nijoro igihe ijuru rikeye, kumurika mu muhanda ku ntera ya metero **100** nibura imbere y'ikinyabiziga.

Iyo ntera ingana na metero **75** ku binyabiziga bifite moteri itarengeje ingufu ligera kuri santimetero kibe **125** Imiguno y'inyuma y'igice kimurika cy'amatara maremare ntigomba na rimwe iyo ayo matara agizwe n'umubare utari igiharwe, kwegera impera z'ubugari bwose no ku mikaba y'inyuma y'igice kimurika cy'amatara magufi.